



Arne Gunleiv Haugsvær
Rosslandsvegen 1161
5918 FREKHAUG

Referanser:
Dykkar:
Vår: 18/1811 - 18/16599

Saksbehandlar:
Laila Bjørge
laila.bjorge@meland.kommune.no

Dato:
09.08.2018

Førehandsgodkjenning av fjerning av knaus på GBNR 7/ 5 og 6 på Brakstad

Administrativt vedtak. Saknr: 205/2018

Saksutgreiing:

Arne Gunleiv Haugsvær søker om å fjerna ein bergknaus på Brakstad som ligg delvis i grensa mellom GBNR 7/ 5 og 7/6. Flyfoto syner at arealet som vil verta berørt er om lag 120 m², og høgda er mellom 1 til 2 meter. Grunngeving for søknaden er å få ein meir rasjonell teig, som er lettare å hauste.



Søknaden har vorte lagt fram for byggesak for vurdering om det er eit søknadspliktig tiltak etter plan- og bygningslova. Etter synfaring 7.08.08 har dei konkludert med at det ikkje er naudsynt med søknad etter plan- og bygningslova. Saka har vore diskutert med kulturavdelinga i kommunen og dei hadde ingen merknader til saka.

Vurdering

Saka er vurdert etter forskrift om produksjonstilskot og rundskriv 2018-5 frå landbruksdirektoratet.

For å ha rett på areal- og kulturlandskapstilskot til jordbruksareal som vert aktivt drive må føretaket ikkje foreta inngrep som forringar kulturlandskapet jf § 4 i forskrifta: *Det kan ikke gis tilskudd dersom det foretas inngrep som forringer kulturlandskapet. Dersom annet regelverk ikke er til hinder for det, kan kommunen likevel forhåndsgodkjenne inngrepet dersom det avhjelper betydelige driftsmessige ulemper.*

I denne saka er det tale om at fjerning av knausen vil gje ei betydeleg driftsmessig forbetring, og dermed vera i tråd med formålet til forskrifta om å *bidra til et aktivt og bærekraftig jordbruk*

Føremålet til miljøkrava er å bidra til ein meir miljøvennleg jordbruksproduksjon og kulturlandskapet er definert som både landskapsbilde, mangfaldet i naturen og kulturhistoriske verdiar. Kommunen har vurdert om tiltaket kan ha negative konsekvensar natur- og kulturlandskap. Knausen er for det meste grasdekt og det vil arealet vera når tiltaket er ferdigt. Det er liten høgdeforskjell med arealet rundt og tiltaket er lite (ca 120 m²). Knausen ligg midt inne i flat, stor teig på rundt 30 daa, og slik kommunen vurderer saka vil det ikkje påverkar kulturlandskapet at denne vert fjerna.

Det er gjort søk i Naturbasen og det er ikkje registrert opplysningar om artar eller naturtypar, som kjem i konflikt med fjerning av knausen. Kommunen vurderer kunnskapsgrunnlaget som tilstrekkeleg opplyst med tanke på konsekvensar tiltaket kan ha for naturverdiar. Generelt gjeldt det at alle inngrep som vert gjort i naturen skal utførast mest mogleg varsamt. Ut frå ei samla vurdering meiner administrasjonen at det er tatt naudsynt omsyn til naturmangfaldet jf. 8-12 i naturmangfaldlova.

Kommunen ar søkt i tilgjengelege databasar for kulturminne og ikkje funne at det er noko konflikt mellom det planlagde tiltaket og kulturminnelova. Me gjer likevel merksam på meldeplikta etter kulturminnelova §8, 2. ledd. Dersom automatisk freda kulturminne som gjenstandsfunn, flekkar med trekol eller konstruksjonar blir avdekt under gjennomføring av tiltaket, må dette straks meldast til Hordaland fylkeskommune, og alt arbeidet stansast til rette forvaltningsmyndighet har vurdert funnet.

Konklusjon

Det omsøkte tiltaket med fjerning av knaus vil gje betre driftstilhøve og ein meir rasjonell teig. Det er ikkje funne at tiltaket er i strid med viktige miljø eller kulturlandskapsomsyn eller er i strid med anna regelverk. Kommunen førehandsgodkjenner tiltaket.

Vedtak

Meland kommune gjev med heimel i § 4 i forskrift om produksjonstilskot førehandsgodkjenning til å fjerna knaus som synt på kart datert 05.07.2018. Arealet skal planerast og såast til så snart det er råd i høve til årstid/vekstseson. Grunngeving går fram av saksutgreiinga over.

Før arbeidet vert sett i gang må det leggjast fram skriftleg samtykke til tiltaket frå eigar av GBNR 7/6 sidan noko av knausen ligg på dette bruket.

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til Fylkesmannen i Hordaland, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunnjevast.

Med helsing

Anny Bastesen
sektorsjef teknisk

Laila Bjørge
landbrukssjef

Dokumentet er elektronisk godkjent og har difor ingen signatur.

Mottakere:

Arne Gunleiv Haugsvær

Rosslandsvegen 5918
1161

FREKHAUG

Arnt Svein Brakstad

Grønlandsvegen 5918
19

FREKHAUG